

## Mvù Jân dé fà

### *Bèh bieê*

<sup>1</sup> Né mè nùà koô gwà Càṅ nyagá né wò kóó. Mè né wò bieé dé vèh, mè né bò ṅuna yeè bieé ndo. Càṅ lé balé soóm naâ wò kóó; mè né wò mé gècên mene gwaán. Mè jí lòm ṅgwéh, bòó mé né ṅgòr gècên kóó doón né gi wò gwaán ndo.

<sup>2</sup> Lòu sam, béh né mé ṅgòr gècên yoòr, ṅgòr gècên sâ le den nde né yoòr beèh dé ndeèr.

<sup>3</sup> Béh bòó mé né ceér gècên bele, mé né lètenè beèh gwaán kuú doón, Càṅ Tele beèh bò ṅuna seèn Yeèsò \*Kristò nde né béh kulú, bó nde né béh jere kóó, bó nde né béh dolê haá ndo.

### *Gècên bò gwaán*

<sup>4</sup> Lé naá loôm mè yoòr mé gècên mene nore huóóm. Lòu sam, mè lé naâ bò huaán yeè déi te ceér gècên kwa, bó bele lom né faá Tele beèh né béh soóó no.

<sup>5</sup> Teèn sâ, mè né wò boṅ, dé vèh, béh gwàn kú dèn ká lètenè beèh gwaán. Ndéb bú hèn dé feê sam, né den ka ndéb mé béh bí lé naá gii ké bèh duóóm ṅgweé doô, mè wò hèn nyagá njií cu né cí.

<sup>6</sup> Mo béh né lètenè beèh gwaán kuú, sâ béh né sòn seèn jolo. Càṅ lé naá gii ménâ soú kwaá, ye bí gwàn kú bèh lètenè biì gwaán. Bí lé naá gii ké bèh duóóm ṅgweé ndo.

<sup>7</sup> Mè lòu túé ηgwéh, bò nyeén bò ηab sie áá \*wón beè; bó né lom berón, ye Yeésò Kristò lé nùàr ηá ná ηgwêh. Mè tueé bí ndɔ, nuaá mé né mân tueé dɔón né nùà nyeên, né nùà bònò \*Kristò sâ.

<sup>8</sup> Bí kógón lòm beè bòn dé gècên, te sàgà seê bìi ndeè mbaá vù lè cú, bí ndeè bú kwa gi mé gùm mene.

<sup>9</sup> Nuaá mé né ηgòr felè Kristò ηgeén, né seér dé hiîn sagá yí dɔón, dé seèn beè Càη sam; beè Càη bô Nuna seèn né seér nuaá mé né yeé ndéb Kristò jolo.

<sup>10</sup> Mè tueé bí, mɔ nuaré dèi waà ké yoòr bìi, à ndéb Yeésò Kristò fèh ηgwéh, bí té bú gwò yí kéh, bí lím bílí bú mé dé bieê mene dɔón.

<sup>11</sup> Lòu sam, nuaá mé né gèh bò sâ bò bieé, né gèh veên mé bó né bɔó sâ lòu seén. Sâ be seèn né teèn ndɔ.

### *Bèh cerê*

<sup>12</sup> Mè né lom mé ηgòr lè ηgún. Njèh cén, mè bí lòu nyàgà ndé ηgwéh, mè gwaán kela né ké yoòr bìi mé feh mò yɔη ndeê, te béh bí tueé kɔ mé sòn, béh samé gi mé gùm mene.

<sup>13</sup> Bò Nuna bei yeé mé Càη lé balé sɔóm naâ hèn ye bíé kéh wò.

**Mvù Ngòŋ Feê**  
**Mambilla NT (Cameroon-Le Nouveau Testament en**  
**mambila)**

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

---

PDF generated using Haiola and XeLaTeX on 13 May 2025 from source  
files dated 13 May 2025  
f0e8e7ba-c2cf-57f7-9a60-8ff0e792e158